

ВЫНСЬӦДӦМА

Коми Республикаса Веськӧдлан котырлӧн
2020 во лӧддза-номъя тӧлысь 15 лунся 304 №-а шуӧмӧн
(3 №-а содтӧд)

“Борганелькуш” республика тӧдчанлуна
канму вӧр-ва заказник йылысь

ПОЛОЖЕНИЕ

1. Панас

“Борганелькуш” республика тӧдчанлуна канму вӧр-ва заказник (водзӧ – заказник) артмӧдӧма “Коми АССР-ын заказникъяс да вӧр-ва памятникъяс индӧм йылысь” Коми АССР-са Министръяс Сӧветлӧн 1978 во вӧльгым тӧлысь 30 лунся 484 №-а шуӧм серти.

Заказник лӧӧ республика тӧдчанлуна торйӧн ёна видзан вӧр-ва мутасӧн (водзӧ – ООПТ) да сылӧн эм гидрологическӧй (нюрвывса) нырвизь.

ООПТ-лӧн тыр ним: “Борганелькуш” республика тӧдчанлуна канму вӧр-ва заказник.

ООПТ-лӧн дженьыд ним: “Борганелькуш” заказник.

Заказниксӧ артмӧдӧма вына кадколаст урчиттӧг да заказниклӧн мудорьясын меститчысь му участокьяссӧ вӧдитчысьяслысь, кутысьяслысь да кийн кутысьяслысь босьттӧг.

Заказник котыртан да сійӧс уджӧдан юкӧнын канмусянь веськӧдлӧмыс, заказник видзан да сыӧн вӧдитчан юкӧнын канму дӧзьӧрыс збыльмӧдсӧ Коми Республикаса Веськӧдлан котырӧн уполномочитӧм Коми Республикаса олӧмӧ пӧртысь власьт органӧн да (либӧ) сылӧн ведомствоувса канму учреждениеӧн, кодлы сетӧма лӧсялана уджмогъяссӧ (водзӧ – заказникӧн веськӧдлысь орган).

2. Заказник артмӧдан медшӧр могъяс да сылӧн могъяс

2.1. Заказниксö артмөдöма увтас сяма шөр пармаса эталонной нюр видзöм могысь.

2.2. Заказниклөн медшөр могъяс:

видзны экологической öтвесьталунсö;

видзны ландшафтной да биологической унапöлöслунсö, сы лыдын шоча паныдаслысь быдмög сикасьяслысь быдманінъяссö;

видзны ва да муыввса экосистемаяслысь гидрологической режимсö;

туявны вөр-ва комплексъясын естественной процессъяссö да видзöдны экосистемаяслөн серпас бöрся.

3. Заказниклөн меститчанін да площадь

3.1. Заказник меститчö “Кöрткерöс” муниципальной районса муниципальной юкөнлөн мутасын Одыб сиктсъянь асыв-войвывлань 12 км ылнаын, Шойнатыса лесничестволөн Одыбса участковой лесничестволөн 7, 8, 25 кварталъяслөн мудоръясын.

Заказник меститчанінлысь карта-схемасö вайöдöма тайö Положение дорö 1 содтöдын*.

3.2. Заказник мутаслөн площадьыс лöö 154 га.

* Оз йöзöдсы.

4. Заказниклөн мудоръяс

4.1. Заказниклөн мудорыс мунö Шойнатыса лесничестволөн Одыбса участковой лесничестволөн 7 кварталса 45 выделлөн рытиввыв помсянь 7 кварталса 45 выделлөн рытив-войвыв мудорті, 8 кварталса 18 выделлөн рытиввыв, войвыв, асыввыв да лунвыв мудоръясті, 25 кварталса 45 выделлөн асыввыв мудорті, 4 выделлөн асыввыв, лунвыв да рытиввыв

мудорьясті петан чутөдз.

4.2. Заказниклысь мудорьяссө петкөдлөма карта-схема вылын тайö Положение дорö 2 содтöдын*.

* Оз йöзöдсьы.

5. Заказниклөн мудорьясын меститчöм

видзан вөр-ва комплексъяс да налөн компонентъяс

Заказник мутасын видзöны увтасса нюр массив. Сылы лöсялöны Диньель шорлань неуна кежысь шыльыд веркöс, тшöтшкöс, вутшка либö вутшка-нюкöса микрорельеф, дзуг тэчаса бура сöвмöм быдмөгъяса му веркöс да уна пöлöс сикасъяс.

Нюр шöрын паныдасълöны торйөн сулалысь пуяс либö налөн нейджыд öткотыръяс. Быдмөгъяса му веркöсыс мозаика сяма, сйö торъялö ценотическöй ыджыд унапöлöслунөн. Сэни вежласьöны туруна, туруна-нитшка да унапöлöс туруна-нитшка фитоценозъяс. Быдмөг котыръясын медуна быдмöны кадвуж (*Menyanthes trifoliata*), зыбун турун (*Comarum palustre*), сближеннöй эжөр (*Carex appropinquata*), бутыльчатöй эжөр (*C. rostrata*), ойдлан эжөр (*C. paupercula*), плетевиднöй эжөр (*C. chordorrhiza*), зыбуч куз (*Equisetum fluviatile*). Лыддьöдлөм сикасъяс кындзи пыр быдмöны татшöм быдмөгъяс: еджыд дзоридза воййыв (*Epilobium palustre*), нюр выв гөгъярöз турун (*Galium uliginosum*), кистецветнöй наумбургия (*Naumburgia thyrsoflora*), многоколосковöй гöнаюр (*Eriophorum polystachion*), стройнöй гöнаюр (*Eriophorum gracile*), посни эжөр (*Carex lasiocarpa*), нюрвыв мытник (*Pedicularis palustris*), среднöй пузырьчатка (*Utricularia intermedia*), сибирса бузульник (*Liquaria sibirica*), толстолиствнöй звездчатка (*Stellaria crassifolia*), көр кулан турун (*Cicuta virosa*), мöснюк турун сикасъяс да мукöд. Аддзöма Коми Республикаса гöрд небöгö (2019) да Россия Федерацияса гöрд небöгö

(2008) пыртөм Траунштейнерлөн мөснәк турунлысь (*Dactylorhiza traunsteineri*) некымын гырысь популяция.

Муывывса веркөс гежд, көнсюрө сийө коставлө. Сылөн подулөн лооны каллиергонлөн да варнсторфиялөн сикасьяс. Нитшьяссө петкөдлөма минеротрофной таксоньясөн, сэтшөмьясөн кыз вадорса нюр нитш (*S. Riparium*), бокпөла нюр нитш (*S. Subsecundum*) да гладкөй нюр нитш (*S. Teres*).

Диньель шор уйтыс, мый вомөналө нюрсө асыв-войвывсянь рытив-лунвывлань, ёна васөд, сийөс сьөкыд вуджны. Турун веркөсыс тані бура сөвмөма, турунөн тырөма 70-90%. Сэні медтшөкыда паныдасьлөны сближенной эжөр, зыбун турун да кадвуж. Көнсюрө унакодь шомкор (*Rumex acetosa*), кистецветной наумбургия, зыбуч куз, көр кулан турун. Ойдлан өткотырьясын сідзжө быдмөны ойдлан эжөр, бутыльчатой эжөр, плетевидной эжөр, сероватой эжөр (*Carex cinera*), ва ляпа (*Caltha palustris*), нюрвыв мытник, еджыд дзоридза воййив, нюр выв гөгьярөз турун (*Galium uliginosum*), многоколосковой гөнаюр (*Eriophorum polystachion*), стройной гөнаюр, крука турун (*Filipendula ulmaria*) да өткымын мукөд турун. Восьса ва участокьяс вылын да дзик ва вылын пасйөма лягуша турун (*Hydrochairs morsus-ranae*), ичөт ва нявда (*Lemna minor*), средней пузырчатка, ва багульник (*Calla palustris*), больө (*Nuphar lutea*). Нитшка веркөсыс гежд, тшөкыда сийө коставлө, сылөн подулөн лооны гигрофильной турунвиж нитшьяс.

Нюр дорті уна площадь босьтөны вөрсялөм да куста гыбадьяс. Пу яруссыс тані артмөма пашкыр кыззысь (*Betula pubescens*). Пасйөма өтка обыкновенной пожөм (*Pinus silvestris*) да сибирса козлысь (*Picea obovata*) дзескөдөм экземплярьяс. Кустьясысь паныдасьлөны некымын сикас: лопарской бадь (*Salix lapponum*), пеля бадь (*S. Aurita*) да мукөд. Пуяслөн да кустьяслөн пучерьяс дорө йитчөны неыджыд вутшьяс, көні чукөртчөма кызвын кустарникыс (ляк кыз (*Betula nana*), нюрвывса момга турун (*Chamaedaphne calyculata*), векныд корья подбел (*Andromeda polifolia*),

гöгрöс турипув. Вутшкостса иньяс васöдджыкöсь. Сэни быдмöны ва радейтысь сикасьяс, медуна посни эжör (*Carex lasiocarpa*), ойдлан эжör, пепельнöй эжör, кадвуж, зыбун турун да мукöд. Му веркöссö артмöдöны нитшьяс да веж нитшьяс.

6. Заказник торйöн ёна видзан режим

6.1. Заказниклöн мутасын оз позь вöчны овмöс нуöдан да мукöд удж, мый вöсна вермас торксьыны экосистемаяслöн дзоньлуныс, сы лыдын:

- 1) капитальнöя стрöитан объектьяс стрöитöм;
- 2) линейнöй объектьяс стрöитöм, тайö Положениелöн 6.2 пунктын индöм случайяс кындзи;
- 3) пуяс да кустьяс кералöм да механическöя жугöдöм (виччысьтöм да аварийнöй ситуацияяс кындзи);
- 4) абу пуа вör ресурсьяс, вöрса сёян-юан да бурдöдан быдмөгьяс заптöм да чукöртöм, индöм ресурсьяссö да быдмөгьяссö гражданаөн асланыс могьяс вылö заптöм да чукöртöм кындзи;
- 5) прöмыслövöя кыйсьöм;
- 6) прöмыслövöя чери кыйöм;
- 7) муяс бурмöдöм;
- 8) химия препаратьяс да мувердас видзöм да наөн вöдитчöм;
- 9) туйясысь, кутшöмьяс эмöсь, да торйöн индöм местаясысь бокин механизируйтöм транспортлöн ветлöм да сулалöм (заказник видзöм серти мероприятиеяс, а сідзжö заказник мудорьясын меститчысь вör-ва комплексьяс да объектьяс видзöм да бör лöсьöдöм серти мероприятиеяс нуöдöмкöд йитчöм случайяс кындзи), механическöй транспорт средствояс кындзи, кутшöмьяс ветлöны да сулалöны тöвся периодö, пуксьöм лым эжödön сэтшöм условиеын, кор тайö оз тшыкöд му веркöссö, быдмөгьяссö да вör пуктасьяссö;
- 10) туаян (корсьыян, геофизическöй, геологоразведочнöй) уджьяс, муывьса да механизируйтöм средствоясөн вöдитчöмкöд да му веркös да

быдмөгъяс тшыкөдөмкөд абу йитчөм уджъяс кындзи;

11) мупытшса озырлун, сы лыдын трунда, туялөм да перйөм;

12) заказниклысь мутас ёгөсьтөм да няйтчөдөм, а сідзжө производство да потребление шыбласъяс меститөм (видзөм да гуалөм), ортсө лэдзан ва нуөдөм;

13) геологическөй, ботаническөй, зоологическөй да мукөд коллекция чукөртөм, заказникөн веськөдлысь органкөд сөгласуйтөмөн наука-туялан могъяс вылө найөс чукөртөм кындзи;

14) му веркөс да быдмөгъяс тшыкөдөм, вөчны позяна удж сикасъяс збыльмөдөм кындзи;

15) лэбач позъяс жугөдөм;

16) аншлагъяс, шлагбаумъяс, стендъяс, мудор петкөдлысь сюръяс, мукөд юөртан пас да индалысь, экологическөй ордымъясса да шойччан местаясса оборудование бырөдөм да торкөм, пуяс вылын гижалөм да пасъяс вөчөм.

6.2. Заказниклөн мутасын позьө:

1) нуөдны наука-туялан уджъяс заказникөн веськөдлысь органкөд сөгласуйтөмөн;

2) оланпастэчасөн урчитөм пөрадокын любительскөя да спортивнөя кыйсыны;

3) оланпастэчасөн урчитөм пөрадокын любительскөя да спортивнөя кыйны чери;

4) стрөитны, выльмөдны линейнөй объектъяс, вөдитчыны наөн сэк, кор найөс оз позь меститны мөдлаө, а сідзжө заказниклысь уджалөмсө могмөдөм могысь, заказникөн веськөдлысь органкөд сөгласуйтөмөн;

5) капитальнөя дзоньтавны линейнөй объектъяссө заказникөн веськөдлысь органкөд сөгласуйтөмөн;

6) абу капитальнөй стрөйбаяс да сооружениеяс стрөитөм, кутшөмъяс йитчөмаөсь вөчны позяна удж сикасъяс збыльмөдөмкөд;

7) котыртны да нуөдны вөр овмөс, нуөдны вөръясын пөжарысь да

санитарной боксаны видзчысьомсö могмодан мероприятиеяс вөр йитöдыяс ладмодан юкöнын оланпастэчасөн урчитöм пöрадокын тайö Положениелөн 6.1 пункта корöмьяс тöд вылö босьтöмөн;

8) нуöдны овмöс да мукöд уджлысь мöд сикасьяс, мыйысь абу öлöдöма вөр-ваён вöдитчан да гөгöртас видзан юкöнын оланпастэчасөн да тайö Положениеён, оланпастэчасөн урчитöм пöрадокын.

7. Бöртас

7.1. Заказниксö, сы лыдын сылөн мутасын меститчöм вөр-ва комплексьяссö да налысь компонентьяссö, видзöны вөр-ваён вöдитчан да гөгöртас видзан юкöнын оланпастэчас серти.

7.2. Заказниклөн вөр-ва комплексьяслы да налөн компонентьяслы лектор вöчан грöз артмöм дырйи сылөн мутасын вöчны позяна удж сикасьяссö дзескöдöны, недыр кад кежлö дугöдöны либö дугöдöны пöрадокын, кутшöмöс урчитöма оланпастэчасөн.

7.3. Заказниклысь мутассö места вылын индöны öлöдан да юöртан пасьяс сувтöдöмөн, а сiдзжö торйöдöны тематической картография материальяс вылын.

7.4. Заказниклөн вөр-ва комплексьяслы либö налөн компонентьяслы вöчöм лекторсö колö вештыны Россия Федерацияса оланпастэчас серти.

7.5. Йöзöс, кодьяс мыжаöсь заказник торйөн ёна видзан урчитöм режим торкöмын, кыскöны кывкутöмö Россия Федерацияса оланпастэчас серти.

7.6. Заказник торйөн ёна видзан урчитöм режимлөн уджалöм да сийöс могмöдöм серти мероприятиеяс збыльмöдсьöны Коми Республикаса республиканской сьöмкуд сьöм тшöт весьтö да оланпастэчасөн абу öлöдöм мукöд öшмöс тшöт весьтö.

Пасйӧд. Меститчанінсӧ да мудорьяссӧ опишитӧма Шойнатыса лесничестволысь 2013 вося вӧр овмӧс котыртан да нуӧдан материалъяс тӧд вылӧ босьтӧмӧн.